

Sufikso –**uj/o**

La sufikso –uj/o karakterizas aĵon destinitan enteni aŭ produkti tion, kion esprimas la vortelemento.

Sufiksa rolo 1:

Aĵo entenanta tute en si pli-malpli grandkvante tion, kion difinas la vortelemento.

abelo	abel ujo
akvo	akv ujo
mono	mon ujo
papero	paper ujo
salo	sal ujo
sukero	suker ujo
supo	sup ujo

Sufiksa rolo 2:

Vegetaĵo produktanta fruktojn, florojn aŭ semojn montratajn de la vortelemento.

banano	banan ujo
frago	frag ujo
rozo	roz ujo
pomo	pom ujo
pruno	prun ujo

Sufiksa rolo 3:

Lando propra al gento karakterizata de la vortelemento.

franco	Franc ujo
sviso	Svis ujo
ruso	Rus ujo

Sufiksa rolo 4:

Vazo, kuvo, pelvo, trogo, kesto, lago, ktp..., en kiu estas plenumata procezo precizigita de la vortelemento.

fandi	fand ujo
lavi	lav ujo
pisti	pist ujo
rezervi	rezerv ujo
trinki	trink ujo

Sufiksa rolo 5:

Spaco aparte karakterizata de la vortelemento.

esperanto	esperant ujo
patro	patr ujo

Ujo: La sufikso –**uj/o** memstariĝis kun la limigita signifo de vazo, kesto aŭ ia ajn objekto destinita por plene enteni ion materialan.